

四庫全書

史部

欽定四庫全書

大唐開元禮卷六十四

唐 蕭嵩等 撰

吉禮

皇帝禪於社首山

齋戒

制度

陳設

省牲器

鑾駕出宮

薦玉帛

進熟

封檢

鑾駕還宮

朝覲羣臣

考制度

齋戒

前祭七日太尉誓百官於行從尚書省曰某月某日皇帝禪於社首山各揚其職不供其事邦有常刑皇帝散齋四日致齋三日諸應齋者皆如封太山之儀光祿卿監取明水火

太官令取水於陰監取火於陽燧火以供爨水以寔尊也

制度

將祭將作預於社首山禪所為禪祭壇如方丘之制八

角三成每等高四尺上濶十六步設八陸上等陸廣八尺中等陸廣一丈下等陸廣一丈二尺為三重壝量地之宜四面開門玉冊石臧玉匱金匱金泥檢距圓封立碑等並如封祀之儀

陳設

前祭三日尚舍直長施大次於外壝東門之內道北尚舍奉御鋪御座守宮設文武侍臣次於大次前各分左右相向設諸祭官次於東壝之外道南從祭文官九品以上

於祭官之東皇親諸親又於其東東方南方蕃客又於

其東重行每等異位北面西上介公鄺公於西墻之西道

南武官九品以上於介公鄺公之西西方北方蕃客又於

其西俱重行每等異位北向東上

其後聖侯於文官三品以下若有諸州使

人分方各於文武官之後

設陳饌幔於內墻東西門之外道北南向

壇上及東方之饌陳於東門外南方西方北方之饌陳於西門外

前祭二日太樂令設

宮懸之樂於壇南內墻之外東方西方磬簾起北鐘簾

次之南方北方磬簾起西鐘簾次之設十二鐃鐘於編

懸之間各依辰位樹靈鼓於北懸之內道之左右植建

鼓於四隅置祝啟於懸內

祝在左  
啟在右

設歌鐘歌磬於壇上

近南北向磬簾在西鐘簾在東其匏竹者立於壇下重

行北向相對為首

凡懸皆辰  
而編之

諸工人各位於懸後東方

西方以北為上南方北方以西為上右校掃除壇之內

外又為瘞瘠於壇之壬地外壇之內方深取足容物南

出陸前祭一日奉禮設御座於壇之東南西向設祭官

公卿位於內壇東門之外道南分獻之官於公卿之南

執事者位於其後每等異位俱重行西面北上設御史  
位於壇下一位於東南西向一位於西南東向令史各  
陪其後設奉禮位於樂懸東北贊者二人在南差退俱  
西向設協律郎位於壇上南陛之西東向設太樂令位  
於北懸之間北向又設望瘞位於壇之東北西向設從  
祀之官位文官九品以上於執事之南皇親諸親又於  
其南東方諸州刺史縣令又於其南俱每等異位重行  
西面北上鄮公介公位於內壝西門之外道南武官九

品以上於鄜公介公之後當文官西方北方蕃客於武

官之南每等異位重行東面北上

其廢聖侯於文官三品以下若有諸州使

人分方各於文武官之後

設祭官從祭羣官門外位於東西壝門之

外道南皆如設次之式設牲勝於東壝之外當門西向

南上黃牲一居前

正坐

又黃牲一在北少退

配坐

黝牲一在

南少退

神州

設廩犧令位於牲之西南祝史陪其後俱北

向設諸太祝位於牲東各當牲後祝史陪其後俱西向

設太常卿省牲位於牲前近北又設御史位於太常卿



之西俱南向設酒樽之位皇地祇太樽二著樽二犧樽  
二山罍二在壇上東南隅北向象樽二壺樽二山罍四  
在壇下南陸之東北隅俱西向設配帝著樽二犧樽二  
象樽二山罍二在壇上皇地祇酒樽之東北向西上神  
州太樽二在第一等每方岳鎮海瀆俱山樽二山林川  
澤各蜃樽二丘陵以下各散樽二皆於壇下凡樽各設  
於神坐之左而右向尊皆加勺畢配帝  
以上有站置爵設御洗於壇南  
陸東南亞獻之洗於東陸之南俱北向罍水在洗東篚

在洗西南肆

篚實以中爵

設分獻壘洗篚纂各於其方陞道之左

俱內向執樽壘篚纂者各於樽壘篚纂之後設玉幣之篚  
於壇上樽坫之所祭日未明五刻太史令郊社令各服  
其服升設皇地祇神坐於壇上北方南向席以藁秸設  
睿宗大聖真皇帝坐於東方西面席以莞設神州地祇  
坐於第一等東南方席以藁秸又設岳鎮以下之坐於  
內壝之內各於其方嵩岳以下之坐於壇之西南俱內  
向席皆以莞設神位各於坐首

省牲器

省牲之日午後十刻去壇二百步所諸衛之屬禁斷行

人晡後二刻郊社令帥府史二人齋郎以樽坩罌洗篚

冪入設於位

升壇者自東陞

晡後三刻諸太祝與廩犧令以牲

就勝位謁者引太常卿贊引引御史入詣壇東陞升視

滌濯

凡導引者每曲一途巡於視滌濯執樽者皆舉冪告潔

引降就省牲位南向

立廩犧令少前白請省牲退復位太常卿省牲廩犧令

又前北面舉手曰脂還本位諸太祝各循牲一匝西向

舉手曰充俱還本位諸太祝與廩犧令以次牽牲詣厨授太官岳鎮以下羊豕依令預脩如常儀謁者引光祿

卿詣厨省鼎鑊中視濯漑贊引引御史詣厨省饌具

太常

卿以下無事  
訖各還齋所

祭日未明十五刻太官令帥宰人以鸞刀

割牲齋郎以豆取黃牲之毛血祝史以豆取毛血各置於饌所遂烹牲

鑾駕出行宮如封太山之儀

薦玉帛

祭日未明三刻諸祭官及從祭之官各服其服郊社令

良醞令各帥其屬入寔樽罍及玉幣

凡六尊之次太尊為上實以汎齊著

尊次之實以醞齊犧尊次之實以盎齊象尊次之實以醴齊壺尊次之寔以汎齊山罍為下寔以清酒配帝著尊為上實以汎齊犧尊次之寔以盎齊山罍為下實以清酒神州太尊寔以汎齊岳鎮海瀆之山尊寔以醞齊山川林澤之屬尊寔以汎齊丘陵以下之散尊寔以醴齊齊皆加明水玄酒各寔於上尊禮神之玉皇地祇以黃琮幣以黃配帝之幣如之神州之玉以兩珪有邸幣以玄五岳四瀆海鎮之幣各從方色圭各長一丈八尺與冊等各設奠於尊站之所

太官令帥進饌者寔諸籩豆簋簠等皆設

於饌慢內未明二刻奉禮帥贊者先入就位贊引引

御史諸太祝及令史祝史與執樽罍篚簋者入自東門

當壇南重行北面西上立定奉禮曰再拜贊者承傳

凡奉

禮有詞贊者皆承傳

御史以下皆再拜訖執樽罍篚簋者各就位

贊引引御史諸太祝詣壇東陞升行掃除於上令史祝

史行掃除於下訖各引就位駕將至謁者贊引各引祭

官通事舍人分引從祭羣官諸方客使俱就門外位駕

至大次門外迴輅南向千牛將軍降立於輅右侍中進

當鑾駕前跪奏稱侍中臣某言請降輅俛伏興還侍位

皇帝降輅乘輿之大次繖扇華蓋侍衛如常儀郊社令以祝版進御署訖近臣奉出郊社令受各奠於圻謁者引文武五品以上從祭之官皆就壝外位太樂令帥工人二舞次入就位文舞入陳於懸內武舞立於懸南道西其升壇者脫履於下降納如常謁者引司空入就位立定奉禮曰再拜司空再拜訖謁者引司空詣壇東陸行掃除於上降行樂懸於下訖謁者贊引各引祭官及從祭羣官客使等次入就位皇帝停大次半刻頃太常博士引太常

卿立於大次門外當門北向侍中版奏外辦皇帝出次

華蓋侍衛如常儀

侍中負寶陪從如式

博士引太常卿太常卿引

皇帝

凡太常卿前導皆博士先引

至中壘門外殿中監進大珪尚衣

奉御又以鎮珪授殿中監殿中監受進皇帝搢大珪執

鎮珪華蓋仗衛停於門外近侍者從入如常皇帝至版

位西向立

每立定太常卿與博士退立於左

太常卿前奏請再拜退復

位皇帝再拜奉禮曰衆官再拜衆官在位者皆再拜

其先

拜者不拜

太常卿前奏有司謹具請行事退復位協律郎



欽定四庫全書

大唐開元禮  
卷六十四

跪俛伏舉麾

凡取物者皆跪俛伏而取以興奠物則奠訖俛伏而後興

鼓祝奏順和

之樂乃以林鐘之均文舞作樂舞八成

林鐘太簇姑洗南呂各再奏

偃麾戛敔樂止

凡樂皆協律郎舉麾工鼓祝而後作偃麾戛敔而後止

太常卿前

奏稱請再拜退復位皇帝再拜奉禮曰衆官再拜衆官

在位者皆再拜太祝取玉於篚立於樽所太常卿引皇

帝太和之樂作

皇帝每行皆作太和之樂

皇帝詣壇升自南陸侍中

中書令以下及左右侍衛量人從升

以下皆如之

皇帝升壇

北向立樂止太祝以玉授侍中侍中奉玉東向進皇帝

搢鎮珪受玉幣

凡受物皆搢鎮珪奠訖執鎮珪俛伏而後興

登歌作肅和之

樂以應鐘之均太常卿引皇帝進北向跪奠於皇地祇  
神坐俛伏興太常卿引皇帝少退北向再拜訖太常卿  
引皇帝立於東方西向又太祝以幣授侍中侍中受幣  
北向進皇帝受幣太常卿引皇帝東向跪奠於睿宗大  
聖真皇帝神坐俛伏興太常卿引皇帝少退東向再拜  
訖登歌止太常卿引皇帝樂作皇帝自南陛降還版位  
西向立樂止皇帝將奠配帝之幣諸太祝奉玉幣等各

進奠於神坐訖還樽所初羣官拜訖祝史各奉毛血之

豆立於門外于登歌止祝史奉毛血入

正坐升自南陞  
配坐升自東陞

神州之坐  
升自己陞

諸太祝迎取於壇上各進奠於神坐前諸太

祝與祝史退立於樽所

進熟

皇帝既升奠玉幣太官令帥進饌者奉饌陳於內壝門外  
謁者引司徒出詣饌所司徒奉皇地祇之俎初皇帝復位樂  
止太官令各引饌入俎初入門奏雍和之樂以太簇之均

後自

接神之樂  
皆奏太簇

饌至陸樂止祝史各進徹毛血之豆降自西

陛

正坐之饌升自南陸配帝之饌升自東陸神州之饌升自巳陸其岳鎮海濱之坐所由師長各陳布于

坐諸太祝迎饌於壇上各設於神坐前

遵豆蓋帛  
徹之如式

設訖

謁者引司徒太官令帥進饌者降自東陛以出司徒復  
位諸太祝還樽所又進設岳鎮以下之饌相次而畢太  
常卿引皇帝詣罍洗樂作皇帝至罍洗樂止侍中跪取  
匱興沃水又侍中跪取盤興承水皇帝盥手黃門侍郎  
跪取巾於篚興進皇帝悅手黃門侍郎又取匏爵於篚

興進皇帝受爵侍中酌釁水又侍中奉盤皇帝洗爵黃  
門侍郎又授巾皆如初皇帝拭爵訖侍中奠盤匱黃門  
侍郎受巾奠於篚皆如初太常卿引皇帝詣壇升自東  
陛樂止謁者引司徒升自東陛立於樽所齊郎奉俎  
從升立於司徒之後太常卿引皇帝詣皇地祇酒  
樽所執樽者舉罍侍中贊酌汎齊訖壽和之樂作  
皇帝每酌獻及飲  
福皆作壽和之樂太常卿引皇帝進皇地祇神座  
前北面跪奠爵俛伏興太常卿引皇帝少退北向立樂

止太祝二人持玉冊進於神坐之右東向跪又太祝一

人跪讀冊文訖俛伏興

冊文並中書門下進少府監刻

皇帝再拜初讀

冊文訖太祝進奠冊於神坐還樽所皇帝拜訖樂止太常卿引皇帝詣配帝酒樽所執樽者舉冪侍中取爵於坩進皇帝受爵侍中贊酌汎齊訖樂作太常卿引皇帝進睿宗大聖真皇帝神坐前東向跪奠爵俛伏興太常卿引皇帝少退東向立樂止太祝二人持玉冊進於神坐之左北向跪又太祝一人跪讀祝文訖俛伏興皇帝

再拜初讀祝文訖樂作太祝進奠冊於神坐還樽所皇  
帝拜訖樂止太常卿引皇帝進皇地祇神坐前北向立  
樂作太祝各以爵酌上樽福酒合置一爵一太祝持爵授  
侍中侍中受爵西向進皇帝再拜受爵跪祭酒啐酒奠  
爵俛伏興太祝各帥齋郎進俎太祝減神前胙肉皆取前脚  
第二加於俎以胙肉共置一俎上太祝持俎以授司徒  
司徒奉俎西向進皇帝受以授左右謁者引司徒降復  
位皇帝跪取爵遂飲卒爵侍中受爵授太祝太祝受爵

復於堦皇帝俛伏興再拜樂止太常卿引皇帝樂作皇帝降自南陛還版位西向立樂止文舞出鼓柷作舒和之樂出訖戛敔樂止武舞入鼓柷作舒和之樂立定戛敔樂止初皇帝將復位謁者引太尉詣壘洗盥手洗爵訖謁者引太尉自東陛升壇詣皇地祇著樽所執樽者舉冪太尉酌醴齊武舞作謁者引太尉進皇地祇神坐前北向跪奠爵興謁者引太尉少退北面再拜訖謁者引太尉詣配帝犧尊所取爵於堦執樽者舉冪太尉酌



醴齊謁者引太尉進睿宗大聖真皇帝神坐前東向跪  
奠爵興謁者引太尉少退東向再拜訖謁者引太尉進  
皇地祇神坐前北向立太祝各以爵酌罍福酒合置一  
爵一太祝持爵進太尉之右西向立太尉再拜受爵跪  
祭酒遂飲卒爵太祝進受爵復於坵太尉興再拜謁者  
引太尉降復位初太尉獻將畢謁者引光祿卿詣罍洗  
盥手洗匏爵終獻如亞獻之儀訖謁者引光祿卿降復  
位武舞止初太尉既升獻謁者一人引神州獻官詣罍

洗盥手洗爵訖升自己陞詣酒樽所執樽者舉幕酌汎  
齊進奠於神州坐前引降還本位謁者五人引獻官各  
詣壘洗訖引獻官各詣樽所俱酌醴齊進奠爵於諸方  
岳鎮海瀆首坐餘坐皆祝史助奠相次而畢引還本位  
又贊引五人各引獻官詣壘洗盥洗詣酒樽所酌沈齊  
獻山川林澤如岳鎮之儀訖各引獻官還本位又贊引  
五人各引獻官詣壘洗盥洗詣酒樽所酌清酒獻丘陵  
以下及齋郎助奠如上儀訖各還本位上下諸祝各進

徹豆還樽所

徹者遽豆各一少移於故處

奉禮曰賜胙贊者唱衆官

再拜衆官在位者皆再拜

已飲福者不拜

順和之樂作太常卿

前奏稱請再拜退復位皇帝再拜奉禮曰衆官再拜衆

官在位者皆再拜樂一成止太常卿前奏請就望瘞位

太常卿引皇帝樂作皇帝就望瘞位西向立樂止於羣

官將拜上下諸祝各執篚進神坐前取玉帛齋郎以俎

載神州以上牲體稷黍飯爵酒各由其陸降壇北行當

瘞塹西行諸太祝以玉幣饌物祝史以毛血置於塹諸

祝又以岳鎮以下之牲體皆從瘞奉禮曰可瘞塲東西  
廂各六人寘土半塲太常卿引皇帝還版位

### 封玉冊

皇帝既就望瘞位侍中前跪奏稱具官臣某言請封玉冊太  
常卿引皇帝自南陛升壇北面立

近侍者陪從如式

謁者引太尉進

於皇地祇神座前跪取玉冊置於案進皇帝受玉冊跪疊之  
內於玉匱中纏以金繩封以金泥侍中取受命寶跪以進皇  
帝取寶以印玉匱訖興侍中受寶以授符寶郎通事舍人引

太尉進皇帝跪奉玉匱授太尉太尉跪受皇帝興太尉退復  
位側身奉玉匱太常卿前奏請再拜皇帝再拜訖入次如常  
儀太尉奉玉匱之案於石礧南北向立執事者發石蓋太尉  
奉玉匱跪藏於石礧內執事者覆石蓋檢以石檢纏以金繩  
封以石泥訖太尉以玉寶遍印訖復位將作帥執事者以石  
跪封固以五色土圜封如太山之儀太尉又進睿宗太聖真  
皇帝神坐前跪取玉冊內金匱皆如封玉匱之儀訖太尉奉  
金匱從降俱復位

封禪還太尉以金匱藏於睿宗  
太聖真皇帝廟如封祀之儀

太常卿前奏

禮畢

若有祥瑞太史監跪奏侍臣奉賀皆如封祀壇之儀

太常卿引皇帝還大次

樂作皇帝出中壝門殿中監前跪受鎮珪以授尚衣奉

御殿中監又前受大珪華蓋侍衛如常儀皇帝入次樂

止謁者贊引各引祭官通事舍人分引從祭羣官諸方

客使以次出贊引引御史太祝以下俱復執事位立定

奉禮曰再拜御史以下皆再拜贊引引出工人二舞以

次出祭訖以奇禽異獸合瑞典者皆縱之于神祀所其

祀版燔於齋所

鑾駕還行宮如封太山之儀

皇帝朝覲羣官

禪之明日朝羣官及岳牧以下於朝覲壇皆如巡狩朝覲之儀皇帝服袞冕乘輿以出曲直華蓋警蹕侍衛入自北壝門由北陞升壇即御座符寶郎奉寶置於御座扇開樂止通事舍人引三品以上及岳牧以下入就位如常儀通事舍人引上公一人舒和之樂作公至西陞就解劔席樂止脫烏蹕解劔置於席興相禮者與通事

舍人引進當御坐前北向跪賀稱具官臣名等言天封  
肇建景福惟新伏惟開元神武皇帝陛下萬壽無疆俛  
伏興通事舍人引上公降壇詣解劔席納舄樂作通事  
舍人引復位立定樂止典儀曰再拜贊者承傳上公以  
下皆再拜侍中前承制降詣上公之東北向稱有制上  
公及羣官皆再拜宣云封禪之慶與公等同之公及羣  
官又再拜舞蹈三稱萬歲又再拜引退

考制度並如巡狩之儀



大唐開元禮卷六十四

欽定四庫全書

大唐開元禮卷六十五

唐 蕭嵩等 撰

吉禮

時旱祈於太廟

時旱祈於太社

時旱祈於太廟

將祈有司卜日如別儀前二日守宮設祈官以下次各於常所右校掃除內外為瘞瘳於北門之內道西方深取足容物前一日諸告官清齋於廟所諸衛令其屬晡

後一刻各以其方器服守衛廟門奉禮設版位於內外  
並如常儀設望座位於堂之東北當瘞痏西向設奉禮  
位於瘞痏東北南向贊者二人在西少退太廟令拂拭  
神幄又帥其屬以樽坩罍洗篚罍制幣篚入設皆如常  
儀執樽罍篚罍者各位於樽罍篚罍之後太官令預饌  
酒脯醢告日未明三刻諸告官以下各服其服太廟令  
良醢令之屬入實樽罍及幣

每室春夏用兩犧尊秋冬用兩著尊一實以明水為上一

實以醴齊次之山罍二一實以玄酒為上一實以清酒次之幣以帛各長一丈八尺

未明二刻奉禮帥

贊者先入就位贊引引御史博士太廟令宮闈令太祝

以下入當階北面西上立定奉禮曰再拜贊者承傳

凡奉

禮有詞贊者皆承傳

御史以下皆再拜訖升行掃除於上太廟令

已下升自東階入開壇室奉出獻祖以下九室神主各

置於坐如常儀訖各引就位質明謁者引祈官以下俱

就門外位謁者引祈官贊引引執事者次入就位立定

奉禮曰再拜祈官以下皆再拜謁者進祈官之左白有

司謹具請行事退復位太官令出帥進饌者奉饌陳於

東門之外初太官令出諸太祝俱取幣於篚各立於樽所謁者引祈官升自東階詣獻祖廟室戶前北向立太祝以幣東向授祈官祈官受幣進北向跪奠於獻祖神座俛伏興出戶北向再拜訖謁者引祈官次進幣於懿祖以下九室皆如上儀訖謁者引還本位各太祝各還樽所太官令引饌入升自太階諸太祝各引迎於階上各設於神座前訖太官令以下降復位諸太祝各還於樽所謁者引祈官詣罍洗盥手洗爵訖升自東階詣獻

祖酒樽所執樽者舉纂祈官酌醴齊訖謁者引祈官入  
詣獻祖神座前北向跪奠爵俛伏興出戶北向立太祝  
持版進於戶外之右東向跪讀祝文

其文為水旱癘疫  
蝗蟲及征伐四夷各

臨時  
制之

訖興祈官再拜太祝進跪奠版於神座俛伏興還

樽所謁者引祈官次詣懿祖太祖代祖高祖太宗高宗

中宗睿宗神座酌獻讀祝皆如獻祖之儀

唯不  
盥洗

訖謁者

引祈官詣東序西向立諸太祝各以爵酌疊福酒合置

一爵一太祝持爵進祈官之左北向立祈官再拜受爵

跪祭酒遂飲卒爵太祝受爵復於坫祈官俛伏興再拜

訖謁者引祈官降復位諸太祝各入室跪徹豆興還樽

所

徹者遽豆各一少移於故處

奉禮曰再拜在位者皆再拜

已飲福者不拜

奉禮曰再拜祈官以下皆再拜訖謁者進祈官之左白

請就望瘞位奉禮贊者轉就瘞位東北謁者引祈官就

望瘞位西向立於祈官將拜諸太祝各持篚進神座前

跪取幣興降自太階詣瘞埴以制幣置於埴訖奉禮曰

可瘞東西各四人寘土半坎謁者進祈官之左白禮畢

奉禮贊者還本位御史太祝以下俱復執事位奉禮曰  
再拜御史以下俱再拜贊引引出太廟太祝宮闈令納  
神主如常儀其祝版燔於齋坊若得所祈報祠用太牢  
受胙與時享同餘與告禮同祭文臨時制

時旱祈於太社

將祈有司卜日如別儀其行事進止與巡狩告社稷禮  
並同太社祝文曰惟某年歲次月朔日子嗣天子某謹  
遣具位姓名敢昭告於太社爰以農要久闕時雨惟神



哀此蒼生敷降靈液謹以玉帛清酌脯醢明薦於太社

以后土勾龍氏配神作主尚饗

太稷文同

后土氏祝文曰維

某年歲次月朔日子嗣皇帝某謹遣具位姓名敢昭告

於后土氏爰以農要久闕時雨惟神哀此蒼生敷降靈

液謹以清酌脯醢明薦於后土氏尚饗

后稷文同

得雨報祠

用太牢瘞幣血飲福受胙與正祭同餘與告禮同太社

祝文曰維某年歲次月朔日子嗣天子某謹遣具位姓

名敢昭告於太社徃以久闕時雨敢陳誠情惟神昭祐

降茲嘉液率土霑洽蒼生成賴謹以玉帛犧齊粢盛庶

品明薦於太社以后土勾龍氏配神作主尚饗

太稷祝文同

后土氏祝文曰維某年歲次月朔日子嗣皇帝某謹遣  
具位姓名敢昭告於后土氏徃以久闕時雨敢陳誠情  
惟神昭祐降茲嘉液率土霑洽蒼生成賴謹以犧齊粢

盛庶品明薦於后土氏尚饗

后稷祝文同

欽定四庫全書

大唐開元禮  
卷六十五

五

大唐開元禮卷六十五

欽定四庫全書

大唐開元禮卷六十六

唐 蕭嵩等 撰

吉禮

時旱祈岳鎮於郊

報祠  
禮同

將祈有司筮日如別儀前二日守宮設祈官以下次於東壝之外道南北向以西為上設陳饌慢於內壝東門之外道北南向右校掃除壇之內外又為座墀於壇之壬地方深取足容物南出陛前一日諸祈官清齋於祈

所諸衛令其屬晡後一刻各以其方器服守衛壝門俱清齋一宿奉禮設祈官位於內壝東門之內道北執事位於道南每等異位俱重行西向以北為上設御史位於壇下西南東向令史陪其後設奉禮位於祈官西南贊者二人次之少退俱西向又設祈官門外位於東壝之外道南每等異位重行北向以西為上郊社令以酒樽入設岳鎮海瀆各山樽二山川各蜃樽二每方皆於神座之左皆右向

俱有站以置爵

設罍洗篚幕各於其方陞道之

左俱內向執樽罍篚冪者各於其樽罍篚冪之後祭日

未明二刻太史令郊社令各服其服設岳鎮海瀆及諸山

川神坐各依其方俱內向席皆以莞設神位各於坐首

未明一刻諸祈官以下各服其服郊社令與良醢令之

屬入實樽罍

山罍實以醴齊屬樽實以沈齊明水各實於上尊

太祝以幣置於

篚設於饌所

步鎮海瀆皆有幣各依其方色各長一丈八尺

太史令帥進饌者實

籩豆入設於內壝東門之外饌幔內奉禮帥贊者先入

就位贊引引御史太祝以下與執樽罍篚冪者入詣南

方山川之西南當門重行北面以西為上立定奉禮曰

再拜贊者承傳

凡奉禮有詞贊者皆承傳

御史以下皆再拜執樽壘

篚罍者各就位贊引引御史以下行掃除如常儀訖出

還齋所奉禮以下次還齋所質明謁者引獻官以下俱

就門外位奉禮帥贊者先入就位贊引引御史以下入

就位謁者引獻官贊引引執事者次入就位立定奉禮

曰再拜獻官以下皆再拜謁者進獻官之左白有司謹

具請行事退復位奉禮曰再拜在位者皆再拜太祝各

取幣於篚以授獻官獻官受幣詣東岳座諸太祝各奠幣於諸岳鎮海瀆之座謁者引獻官再拜訖降還本位於獻官初受幣太官令帥進饌者奉饌陳於東門之外獻官奠幣再拜訖太官令引饌入諸太祝迎引於坐首各奠於神座前太官令以下還本位諸太祝各還樽所謁者引獻官詣罍洗盥手洗爵詣東岳酒樽所執樽者舉罍獻官酌醴齊謁者引獻官進於東岳神座前東向跪奠爵興少退東向立初獻官進奠祝史以爵酌酒助奠東鎮



以下還樽所太祝持版進於神座之右西面跪讀祝文  
曰維某年歲次月朔日子嗣天子某謹遣具官姓名敢  
昭告於東方岳鎮海瀆久闕時雨黎元惟懼惟神哀救  
蒼生敷降嘉液謹以制幣清酌脯醢明薦於東方岳鎮  
海瀆尚饗太祝興獻官再拜太祝進跪奠版於神座興  
還樽所獻官拜訖謁者引獻官以次獻諸方岳鎮海瀆  
如東方之儀諸方机文並同訖謁者引獻官還本位初獻東岳  
贊引次引獻官詣疊洗盥手洗爵訖詣東方山川酒樽

所執樽者舉冪獻官酌酒訖贊引引獻官進詣東方山川首座前跪奠爵興少退東向立初獻官奠酒齊郎酌酒助奠訖還樽所太祝持版進於神座之右南面跪讀祝文曰維某年歲次月朔日子嗣天子某謹遣具官姓名敢昭告於東方山川久闕時雨黎元惟懼惟神哀救蒼生敷降嘉液謹以清酌脯醢明薦於東方山川尚饗祝興獻官再拜祝跪奠版於神座興還樽所獻官拜訖贊引引獻官以次獻諸方山川如東方之儀

諸方祝文皆同

贊引引獻官還本位諸祝各進跪徹豆興還尊所

徹者少移

於故處

奉禮曰再拜獻官以下皆再拜謁者進獻官之左

白請就望瘞位謁者引獻官就望瘞位西向立於在位者將拜諸太祝各進神座前跪取幣置於埽奉禮曰可瘞東西廂各二人置土半坎謁者進初獻官之左白禮畢遂引獻官出贊引引執事者以次出御史太祝以下俱復執事位立定奉禮曰再拜御史以下皆再拜贊引引出祝版燔於齋所報祠用牲幣飲福受胙於東方岳

鎮山川首坐之前

其山川惟飲福不受酢

埋幣血與正祭同餘與

祈禮同其祝文曰維某年歲次月朔日子嗣天子某謹

遣具位姓名敢昭告於東方岳鎮海瀆往以久闕時雨

敢陳誠禱惟神昭祐降茲嘉液九土霑洽蒼生成賴謹

以制幣犧齊粢盛庶品明薦於東方岳鎮海瀆尚饗

諸方

祝文山川祝文曰維某年歲次月朔日子嗣天子某謹

遣具位姓名敢昭告於東方山川往以久闕時雨式陳

誠禱惟神昭祐降茲嘉液九土霑洽蒼生成賴謹以犧

齊梁盛庶品明薦於東方山川尚饗

諸方祝  
文皆同

大唐開元禮卷六十六

欽定四庫全書

大唐開元禮卷六十七

唐 蕭嵩等 撰

吉禮

時早就祈岳鎮海瀆 久雨禱國門

時早就祈岳鎮海瀆

將祈有司筮日如別儀前一日諸祈官皆於祈所清齋  
一宿所司清掃內外又為埋埽於壇南如常禮設祈官  
位於壇東南執事者位於祈官東南奉禮於執事西南

贊者二人在南差退俱西向北上又設太祝奉幣帛位

於瘞坎之南北向

海漬即設於奉幣位南北向

又設祈官以下位於

門外道東重行西面北上設樽罍篚各於常所執樽罍

篚者各位於樽罍篚之後其日未明祈官以下各服其

服所司帥其屬入設神座及樽罍如常儀太祝以幣置

於篚

幣各依方色長一大八尺

掌饌者實籩豆

籩一實脯豆一寔醢

奉禮帥贊

者先入就位贊引太祝及執樽罍篚幕者入當壇南重行北

面以西為上立定奉禮曰再拜贊者承傳

凡奉禮有詞贊者皆承傳

太祝以下皆再拜執樽者各就位贊引引太祝升自東階行掃除於上訖降行掃除於下皆就位質明謁者引祈官贊引引執事者俱就門外位謁者引祈官贊引引執事者俱入就位立定奉禮曰再拜祈官以下皆再拜

其先拜者不拜

謁者進祈官之左白有司謹具請行事退復位

奉禮曰再拜在位者皆再拜初白請行事掌饌者帥進饌者奉饌陳於門外祈官拜訖太祝跪取幣於篚以授祈官祈官奉幣置於神座祈官拜訖降復位掌饌者引



饌入升自南階太祝迎引於壇上進設座前設訖掌饌者以下降復執事位謁者引祈官詣壘洗盥手洗爵升自南階詣酒樽所執樽者舉竊祈官酌酒謁者引祈官進北面跪奠於神座前俛伏興少退北向立太祝持版進於神座之右東面跪讀祝文曰維某年歲次月朔日子嗣天子某謹遣具官姓名敢昭告於某岳鎮海久闕時雨黎元惟懼惟神哀救蒼生敷降嘉液謹以制幣清酌醑醑明薦於神尚饗祝興祈官再拜太祝進跪奠版

於神座興還樽所祈官再拜謁者引祈官降復位太祝

進跪徹豆還樽所

徹者簋豆各一少移於故處

奉禮曰再拜在位者

皆再拜謁者進祈官之左白請就望瘞位謁者引祈官

就望瘞位西向立於在位者將拜太祝進神座前跪取

幣置於埽東西面各二人實土半埽

海濱則以沉之

奉禮曰

再拜祈官以下皆再拜謁者進祈官之左白禮畢遂引

祈官出贊引引執事者以次出太祝以下俱復執事位

立定奉禮曰再拜太祝以下皆再拜以出奉禮贊者以

次出其祝版燔於齋所得雨報祠用牲其沈瘞幣血及  
飲福受胙皆與正祭同餘與祈禮同祝文曰維某年歲  
次月朔日子嗣天子某謹遣具官姓名敢昭告於某岳  
鎮海濱各隨稱往以久闕時雨敢陳誠禱惟神昭祐降茲嘉液  
九土霑洽蒼生咸賴謹以制幣犧齊粢盛庶品明薦於  
神尚饗

久雨禱國門

將祭有司筮日如別儀前一日諸祭官清齋於祭所右

校掃除祭所太官丞預饌酒醢脯

尊以瓢

其日質明郊社

令帥其屬設神座皆內向設酒樽各於神座之左設壘

洗及筐於酒樽之左俱內向

實以中爵

執樽壘洗筐者各

位於樽壘洗筐之後奉禮設獻官之位於壘洗之左右

向執事者位於其後皆近神為上郊社丞與良醢令屬

實樽壘獻官以下俱就位立定謁者贊引獻官以下皆

再拜祝與執樽壘洗筐者各就位立定太官丞出詣饌

所謁者進獻官之左白有司謹具請行事退復位太官

承引饌入太祝迎引設於神座前設訖太官丞以下還  
本位祝還樽所謁者引獻官詣罍洗盥手洗爵詣樽所  
執樽者舉罍獻官酌酒進神座前跪奠爵俛伏興少退  
向座立太祝持版進於神座之右東面跪讀祝文曰維  
某年歲次月朔日子嗣天子遣某官姓名昭告於國門  
霖雨淹久害於百穀惟靈降福應時開霽謹以清酌嘉  
薦明告於神尚饗祝興獻官再拜太祝進跪奠版於神座俛  
伏興還樽所獻官拜訖謁者引還本位祝進跪徹豆俛

伏興還樽所

徹者少移於故處

祝與執樽疊篚者俱復執事位

謁者贊拜獻官以下皆再拜謁者進獻官之左白禮畢  
遂引獻官以下出每祭皆如之其祝版燭於齋所若雨  
止報祠以少牢飲福餘與祈同祝文曰維某年歲次月  
朔日子嗣天子遣某官姓名昭告於國門前以霖雨式  
陳誠禱惟神降祉應時開霽謹以清酌少牢粢盛庶品  
明薦於神尚饗

大唐開元禮卷六十七

欽定四庫全書

大唐開元禮卷六十八

唐 蕭嵩等 撰

吉禮

諸州祭社稷

前三日刺史散齋於別寢二日致齋於廳事一日亞獻  
以下與祭之官散齋二日各於正寢致齋一日於壇所  
上佐為亞獻錄事參軍及判司通為終  
獻若刺史及上佐有事故並以次差攝散齋理事如舊  
唯不弔喪問疾不作樂不判署刑殺文書不行刑罰不



預穢惡致齋惟祭事得行其餘悉斷諸從祭之官各清

齋於公館一日

從祭官刺史未出之前豫赴祠所

前二日本司豫修除

壇之内外

其壇方二丈五尺高三尺四陞三等

為瘞瘠二於壇西門之外

道北南向設刺史次於社壇西門之外道北南向設

祭官以下次於刺史次西北俱南向以東為上前一日

晡後本司帥其屬守社壇四門去壇九十步所禁止行

人本司設刺史位於北門之内道西南向

若刺史有故攝祭初獻位於亞

獻之前

設亞獻終獻位於稷壇西北設掌事者位於西

東向

門之內道北俱每等異位東向南上設贊唱者位於終  
獻東北南向西上設州官位於祭官掌事之北東面府  
官位於東方當州官西面俱重行南上設望座位於瑤  
北南向東上設門外位祭官以下於西門之外道南州  
官於祭官之南俱重行北面以東為上府官於東門之  
外道南重行北面以西為上祭器之數每座樽二籩八  
豆八簋二簠二俎三

羊豕脾腊  
各一俎

掌事者以樽坩升自西

階各設於壇上西北隅配座之樽在西俱南向東上皆

加勺冪社稷皆爵一配座皆爵四置於坵設洗於社壇  
北陞之西去壇三步所南向壘水在洗西加勺冪篚在  
洗東北肆實爵六巾二於篚加冪執樽壘洗篚者各於樽

壘洗篚之後祭日未明烹牲於厨

祝以豆二  
取牲血

夙興掌饌

者實祭器

牲體羊豕皆載右腓前脚三節肩膊膈節一  
段皆載之後脚三節一段去下一節載上肫

胙二節又取正脊脰脊橫脊短脊正脊代脅共各二骨  
以並餘皆不設簋實黍稷簋實稻粱籩實石鹽乾魚棗  
栗榛菱芡鹿脯豆實蕡苴醢醢菁苴鹿醢芹  
苴兔醢笋苴魚醢若土無者以其類充之

本司帥掌

事者以席入自西門詣壇西階升設社稷神座各於壇

上近南北向又設后土氏神座於社神之左后稷氏神

座於稷神之左俱東向席皆以莞質明諸祭官及從祭

之官各服其服

祭官服祭服從祭之官應公服者公服非公服者常服

本司帥掌

事者入實樽壘

每坐二尊一實玄酒為上一實醴齊次之

祝版各置於牀祝

以幣各置於篚與血豆俱設於饌所

社稷之幣皆用黑各長一丈八尺

贊唱者先入就位諸祝與執樽壘齋者入自西門當社

壇北重行南向以東為上立定贊唱者曰再拜祝以下

皆再拜執樽者各升自西階立於樽所執壘齋者各就

位祝詣社壇升自西階行埽除訖降詣稷壇升行埽除如社壇之儀行埽除於下訖皆就位刺史將至贊禮者引祭官及從祭之官與掌事者俱就門外位刺史至叅軍事引之次贊唱者先入就位刺史停於次少頃服祭服出次叅軍事引刺史入自西門就位南向立叅軍事立於刺史之東少退南向贊禮者引祭官以下及從祭之官以次入就位

凡導引者每曲一逡巡

立定贊唱者曰再拜刺

史以下皆再拜叅軍事少退刺史之左西面白請行事

退復位本司帥執饌者奉饌陳於西門之外祝以幣授  
刺史叅軍引刺史自北階升社壇南向跪奠幣于社神  
座前訖興少退再拜祝又以幣授刺史叅軍引刺史升  
稷壇南向跪奠幣於稷神座如社壇之儀訖叅軍引刺  
史降復位本司引饌入社稷之饌升自北階配坐之饌  
升自西階諸祝迎引於壇上設於神座前籩豆簋罍先  
徹乃升簋簠  
既奠却其蓋於下籩居左豆居右簋簠居  
其間羊豕二俎橫而重於右腊俎特于左本司與執饌  
者降自西階復位諸祝史各還樽所叅軍事引刺史詣

盪洗執壘者酌水執洗者跪取盤興承水刺史盪手執  
篚者跪取巾於篚興進刺史悅手訖執篚者受巾跪奠  
於篚遂取爵興進刺史受爵執壘者酌水刺史洗爵執  
篚者又跪取巾於篚興進刺史拭爵訖授巾奠於篚奉  
盤者跪奠盤興叅軍引刺史自社壇北階升詣社神  
酒樽所執樽者舉罍刺史酌醴齊叅軍引刺史詣社神  
座前南向跪奠爵興少退南向立祝持版進於神座之  
右西向跪讀祝文曰維某年歲次月朔日子具位姓名

敢昭告於社神惟神德惠博厚道著直方載生品物含

養庶類謹因仲春

仲秋

祗率常禮敬以制幣犧齊粢盛庶

品備茲明薦用申報本以后土勾龍氏配神作主尚饗

祝興刺史再拜祝進跪奠版於神座還樽所刺史拜訖

叅軍事引刺史詣配座酒樽所執樽者舉罍刺史酌醴

齊訖叅軍事引刺史詣后土氏神座前西向跪奠爵興

少退西向立祝持版進於神座之左南面跪讀祝文曰

維某年歲次月朔日子具位姓名敢昭告於后土氏爰



以仲春

仲秋

厥日惟戊敬修恒事薦於社神惟神功著水

土平易九州昭配之義實通祠典謹以犧齊粢盛庶品  
式陳明薦作主侑神尚饗訖興刺史再拜祝進跪奠版  
於神座興還樽所刺史拜訖叅軍事引刺史進當社神  
座南向立祝史各以爵酌鬯福酒合置一爵一祝持爵  
進於刺史之右東向立刺史再拜受爵跪祭酒啐酒奠  
爵祝帥執饌者以俎進減社神前胙肉

各取前脚  
第二骨

共置

一俎上興祝持俎東向進刺史受以授左右刺史跪取

爵遂飲卒爵祝進受爵復於坩刺史興再拜叅軍事引  
刺史降自北階詣壘洗爵自稷壇北階升詣稷神酒樽  
所執樽者舉冪刺史酌醴齊叅軍事引刺史詣稷神座  
前南向跪奠爵少退南向立祝持版進於神座之右西  
面跪讀祝文曰維某年歲次月朔日子具位姓名敢昭  
告於稷神惟神播生百穀首茲八政用而不匱功濟  
黎敬以制幣犧齊粢盛庶品祗奉舊章備茲瘞禮以后  
稷弃配神作主尚饗祝興刺史再拜祝進跪奠版於神

座前興還樽所刺史拜訖叅軍事引刺史詣配座酒樽  
所刺史取爵於坵執樽者舉累刺史酌醴齊叅軍事引  
刺史詣后稷氏神座前西向跪奠爵興少退西向立祝  
持版進於神座之左南面跪讀祝文曰維某年歲次月  
朔日子具位姓名敢昭告於后稷氏爰以仲春仲秋敬修  
恒禮薦於稷神惟神功叶稼穡闡修農政允茲從祀用  
率舊章謹以犧齊粢盛庶品式陳明薦作主配神尚饗  
祝興刺史再拜祝進跪奠版於神座興還樽所刺史拜

訖叅軍事引刺史詣稷神座前南向立飲福受胙如社壇之儀訖叅軍事引刺史降自北階還本位初刺史獻將畢贊禮者引亞獻詣盥洗盥手洗爵訖贊禮者引亞獻自社壇西階升詣社神座前南向跪奠爵興少退南向丹拜贊禮者引亞獻詣后土氏酒樽所取爵於坩執樽者舉罍亞獻酌醴齊贊禮者引亞獻詣后土氏神座西面跪奠爵興少退西向丹拜贊禮者引亞獻進當社神座前南向立祝各以爵酌福酒合置一爵祝持爵進

於亞獻之右東向立亞獻再拜受爵跪祭酒遂飲卒爵  
祝受爵復於坫亞獻興再拜贊者引亞獻降自西階詣  
罍洗盥手洗爵詣稷壇升獻飲福如社壇之儀訖降復  
位初亞獻將畢贊禮者引終獻詣罍洗盥洗升酌終獻  
如亞獻之儀訖降復位諸祝各進神座跪徹豆興還樽  
所徹者籩豆各一  
少移于故處贊唱曰賜胙再拜非飲福受胙者皆  
再拜贊唱者又曰再拜刺史以下皆再拜參軍事少進  
刺史之左白請就望瘞位參軍事引刺史就望瘞位南

向立祝於神前取幣及血寘於炤贊唱曰可瘞炤東西  
面各二人寘土半坎參軍事少進刺史之左西面白禮  
畢遂引刺史還次贊禮者引祭官以下以次出諸祝及  
執樽罍篚者降復掌事位贊唱者曰再拜祝以下皆再  
拜以次出其祝版燔於齋所

欽定四庫全書

大唐開元禮  
卷六十八

大唐開元禮卷六十八

欽定四庫全書

大唐開元禮卷六十九

唐 蕭嵩等 撰

吉禮

諸州釋奠於孔宣父 州學生束修

諸州釋奠於孔宣父

前享三日刺史散齋於別寢二日致齋於廳事一日亞獻以下與享之官散齋二日各於正寢致齋一日於享

所以上佐為亞獻博士為終獻刺史上佐有故並

散齋理



欽定四庫全書

大唐縣元相  
卷六十九

事如舊唯不弔喪問疾不作樂不判署刑殺文書不行  
刑罰不預穢惡致齋惟享事得行其餘悉斷其享官已  
齋而闕者通攝行事助教及諸學生皆清齋於學館一  
宿前享二日本司埽除內外又為瘞瘠于院內堂之左  
地方深取足容物南出陞本司設刺史以下次于門外  
隨地之宜前享一日晡後本司帥其屬守門本司設三  
獻位于東階東南每等異位俱西向設掌事位于三獻東南  
西向北上設望瘞位于堂之東北當瘞埽西向設助教

位于西階西當掌事位學生位于助教之後俱東面北上設贊唱者位于墀堦東北南向東上設三獻門外位于道東每等異位西向掌事位于終獻之後北上祭器之數每坐樽二籩豆各八簋二簋二俎三

羊豕及腊各一且掌

事者以樽坩升設于堂上前楹間北向先聖之樽在西先師之樽在東俱西上皆加勺簠先聖爵一配坐爵四各置于坩設幣篚于樽所設洗置東榮南北以堂深疊水在洗東加勺簠篚在洗西南肆實爵三巾二于篚加

欽定四庫全書

大唐開元禮  
卷六十九

二

羈執樽罍洗篚者各就位于樽罍洗篚之後享日未明

烹牲于厨

祝以豆二取毛血

夙興掌饌者實祭器

牲體羊豕皆載右胖前脚

有臂膊節一段皆載之後脚三節節一段去下一節載上肱脛二節又取正脊脰脊橫脊短脊正脊代臂各二骨以並餘皆不設簠實黍稷簋實稻粱籩實石鹽乾魚棗栗榛菱芡鹿脯豆實藟菹醢醢菁菹鹿醢芹菹兔醢笋菹魚醢若土無者以其類充之本司率掌事者設先聖神席于堂上西楹

間東向設先師神席于先聖神席東北南向席皆以莞

質明諸享官各服祭服助教儒服學生青衿服本司帥

掌事者實樽罍及幣

各坐尊二一實玄酒為上一實醴齊次之禮神之幣用白各長一丈

八祝版各置于牀贊唱者先入就位祝二人與執樽壘

籩者入立于庭重行北面西上立定贊唱曰再拜祝以下皆再拜執樽壘籩者各就位祝升自東階行埽除訖降自東階各就位刺史將至贊禮者引亭官以下俱就門外位助教學生並入就門內位刺史至叅軍引之次贊唱者先入就位祝升自東階各立于樽後刺史停于次少頃服祭服出次叅軍事引刺史入就位西向立叅軍事退立于左贊禮者引亭官以下次入就位

凡導引者每曲

欽定四庫全書

大唐開元禮  
卷六十九

三

一 巡

立定贊唱者曰再拜刺史以下皆再拜叅軍事少

退刺史之左北面白請行事退復位祝俱跪取幣于篚

興各立于樽所

凡取物者皆跪俛伏而取以興奠物則奠訖俛伏而後興

本司帥執

饌者奉饌陳于門外叅軍事引刺史升自東階進先聖

神坐前西向立祝以幣北面授刺史叅軍事引刺史進

西向跪奠于先聖神坐興少退西向再拜訖叅軍事引

刺史當先聖神坐前北面立又祝以幣西面授刺史叅

軍事引刺史進北向跪奠于先師神坐興少退北向再

拜叅軍事引刺史降復位本司引饌入升自東階祝迎

引于階上各設于神坐前

遵豆蓋畢先徹乃升蓋簋既奠却其蓋于下遵居左豆居

右簋簋居其間羊豕二組橫而重于右腊特于左

設訖本司引執饌者降出祝

還樽所叅軍事引刺史詣罍洗執罍者酌水執洗者跪  
取盤興承水刺史盥手執篚者跪取巾于篚興進刺史  
悅手訖執篚者受巾跪奠于篚遂取爵興以進刺史受  
爵執罍者酌水刺史洗爵執篚者又跪取巾于篚興進  
刺史拭爵訖執篚者受巾跪奠于篚奉盤者跪奠盤興

欽定四庫全書

大唐開元禮  
卷六十九

叅軍事引刺史升自東階詣先聖酒樽所執樽者舉罍  
刺史酌醴齊叅軍事引刺史詣先聖神坐前西向跪奠  
爵興少退西向立祝持版進于神坐之右北向跪讀祝  
文曰維某年歲次月朔日子具位姓名敢昭告于先聖  
孔宣父惟夫子固天攸縱誕降生知經緯禮樂闡揚文  
教餘烈遺風千載是仰俾茲末學依仁游藝謹以制幣  
犧齊粢盛庶品祇奉舊章式陳明薦以先師顏子配神  
尚饗祝興刺史再拜祝進跪奠版于神坐興還樽所刺

史拜訖叅軍事引刺史詣先師酒樽所取爵于拈執樽  
者舉叅刺史酌醴齊叅軍事引刺史詣先師神坐前北  
向跪奠爵興少退北向立祝持版進于神坐之左西向  
跪讀祝文曰維某年歲次月朔日子刺史具官姓名敢  
昭告于先師顏子爰以仲春仲秋率遵故實敬修釋奠于  
先聖孔宣父惟子庶幾具體德冠四科服道聖門實臻  
間奧謹以制幣犧齊粢盛庶品式陳明獻從祀配神尚  
饗祝興刺史再拜祝進跪奠版于神坐興還樽所刺史



欽定四庫全書

大唐開元禮  
卷六十九

五

拜訖叅軍事引刺史詣東序西向立祝各以爵酌罍福  
酒合置一爵一祝持爵進刺史之左北向立刺史再拜受爵  
跪祭酒啐酒奠爵俛伏興祝各帥進饌者進俎跪減先聖神  
前胙肉各取前脚第二骨共置一俎上又以籩取黍稷飯共置一籩

興祝先以飯進刺史受以授執饌者又以俎進刺史受以授執  
饌者刺史跪取爵遂飲卒爵祝進受爵復于牀刺史興  
再拜叅軍事引刺史降復位初刺史獻將畢贊禮者引  
亞獻詣罍洗盥手洗爵升獻飲福皆如刺史之儀

唯不讀祝

不受訖降復位亞獻將畢贊禮者引終獻詣盥洗盥洗升獻如

昨豆徹者蓮亞獻之儀訖降復位祝各進神坐前跪徹豆興還樽所豆各一

少移于贊唱者曰賜胙再拜非飲福受胙者皆再拜贊唱者又

曰再拜刺史以下皆再拜參軍事少進北面白請就望瘞位參

軍事引刺史就望瘞位西向立贊唱者轉就瘞埽東北位初

在位者將拜祝各以篚進神坐前跪取幣降自西階詣

埋埽以幣置于埽訖贊唱者曰可瘞埽東西廂各二人

實土半埽埋訖實土者以篚出參軍事少進刺史之左北面白禮

畢遂引刺史出贊禮者各引亭官以下以次出初禮畢  
贊唱者還本位祝與執樽壘篚者俱復掌事位立定贊  
唱者曰再拜祝以下俱再拜以次出其祝版燔于齋所  
州學生行束脩禮

束帛一篚三酒一壺五脯一案十五

其日平明各生青衿服至學門博士公服若儒服立于  
學堂東階上西面贊禮者引學生立于門東西面不自同  
于賓客  
陳束帛篚酒脯案于學生西南當門北向重行西上將

命者出立于門西東面曰敢請事學生少進曰某方受業于先生敢請見將命者入告博士曰某也不德請子無辱將命者出告學生曰某不敢為儀敢固以請將命者入告博士曰子就位某敢見將命者出告學生曰某不敢以視賓客請終賜見將命者入告博士曰某辭不得敢不從命將命者出告執篚者以篚東面授學生博士降俟于東階下西面贊禮者引學生執酒脯者從學生入門而左立于西階之南東面授酒脯者立于學生

西南東面北上學生跪奠篚再拜博士荅拜學生還避  
遂進跪取篚贊禮者引學生進博士前東面授執酒脯  
者從奠于博士前博士受幣贊禮者取酒脯幣以東執  
酒脯者出贊禮者引學生立于階間近南北面再拜訖  
引出

大唐開元禮卷六十九

欽定四庫全書

大唐開元禮卷七十

唐 蕭嵩等 撰

吉禮

諸州祈社稷

諸州祈禱諸神

諸州崇城門

諸州祈社稷

前二日本司掃除壇之內外又為瘞瘠于壇北如常設  
上佐以下次于社壇西門之外道北隨地之宜前一日

諸祈官皆于祭所清齋一日掌事者饌酒脯醢設上佐  
位于稷壇西北掌事以下位於西門之內道北俱重行東  
向以南為上設贊唱者位于上佐東北東向南上設望  
瘞位于埋塼北南向設上佐以下門外位于西門之外  
道南俱重行北向以東為上其日夙興本司帥其屬守  
社壇四門去壇九十步所禁斷行人掌事者入設神坐  
樽坵罍洗篚冪如常祭之儀

每坐各邊一豆一篚實巾  
二爵二配坐皆爵一並置

于質明上佐以下各服其服本司帥掌事者入實樽罍

祝版各置于玷又以幣各置于篚設于饌所

其幣各長一丈八尺

贊禮者引上佐以下俱就門外位贊唱者先入就位祝與執樽罍篚者入當社壇北重行南向以東為上立定贊唱者曰再拜祝以下皆再拜執樽者各升自西階立于樽所執罍篚者各就位祝詣社壇升自西階行掃除又詣稷壇升行掃除訖諸祝出奉幣篚入就瘞埽北位贊禮者引上佐以下入就位立定贊唱者曰再拜上佐以下皆再拜贊禮者進上佐之左白請行事還本位贊唱



者曰再拜上佐以下皆再拜初白請行事掌饌者率執饌者奉饌陳于西門之外祝以幣授上佐贊者引上佐升社壇北陞南向跪奠于社神前訖興少退再拜訖復位又祝以幣授上佐上佐奉幣升稷壇跪奠如社壇之儀訖掌饌者引饌入社稷之饌升自北陞配坐之饌升自西陞諸祝迎引于壇上各設于神坐前訖掌饌者降自西陞復位諸祝各還樽所贊者引上佐詣壘洗盥手洗爵自社壇北陞升詣社神酒樽所執樽者舉罍上佐

酌酒進詣社神坐前南向跪奠爵興少退南向立祝持  
版進于神坐之右西向跪讀祝文曰維某年歲次月朔  
日子刺史姓名謹遣具位姓名敢昭告于社神久闕時  
雨黎元惟懼惟神哀此蒼生敷降嘉液謹以制幣清酌  
脯醢明薦于神以后土氏勾龍配神作主尚饗興上佐  
再拜祝進跪奠版于神坐興還樽所上佐拜訖贊禮引  
上佐詣配坐酒樽所取爵于拈執樽者舉罍上佐酌酒  
進詣后土氏神坐前西向跪奠爵興少退西向立祝持

版進于神坐之左南面跪讀祝文曰維某年歲次月朔  
日子刺史姓名謹遣具位姓名敢昭告于后土氏久闕  
時雨黎元惟懼惟神哀此蒼生敷降嘉液謹以制幣清酌  
脯醢明薦于后土氏尚饗祝興上佐再拜祝進跪奠版  
于神坐興還樽所上佐拜訖贊禮者引上佐降自北陛  
詣壘洗盥手洗爵詣稷壇北陞升獻如社壇之儀稷神及后  
稷氏祝文並同贊禮者引上佐降復位諸祝各進神坐前跪徹  
豆興還樽所贊唱者曰再拜上佐以下皆再拜贊禮者

進上佐之左白請就望瘞位贊者引上佐就望瘞位南向立祝以篚于神前取幣及血黍稷飯皆寘于墻贊唱者曰可瘞墻東西各二人寘土半墻贊者進上佐之左白禮畢遂引出諸執事者以次出祝與執樽壘篚者降復執事位贊唱者曰再拜祝以下皆再拜以次出其祝版燔于齋所得雨報祠以豕羊其祭器之數及飲福受胙瘞幣血皆與正祭同餘與祈禮同祝文曰維某年歲次月朔日子刺史姓名謹遣其位某官姓名敢昭告于

社神往以久闕時雨式陳誠禱惟神監祐降茲嘉液品  
物沾洽蒼生咸賴謹以制幣犧齊粢盛庶品明薦于社  
神以后土氏勾龍配神作主尚饗維某年歲次月朔日  
子刺史姓名謹遣具位姓名敢昭告于后土氏往以久  
闕時雨式陳誠禱惟神監祐降茲嘉液品物沾洽蒼生  
咸賴謹以制幣犧齊粢盛庶品明薦于后土氏尚饗

稷神

及后稷氏  
祝文並同

諸州祈禱諸神

前一日本司設上佐以下次于祈所隨地之宜又為瘞

塲于神坐之南方深取足容物諸祈官皆于祈所清齋

一日掌事者饌酒脯醢

每坐邊豆各一

祈日質明去祭所七十

步禁止行人上佐以下各服其服祝帥掌事者奉席入

設神坐于北廂南向

若更有諸坐則以西為上

贊禮者帥執樽者設

樽于神坐之左北向設洗于酒樽東南北向罌水在洗

西南肆篚在樽左

篚實中爵

執樽罌篚者各位于樽罌篚之

後設上佐以下位于神坐東南重行西向以北為上設

贊唱者位于上佐西南南向設望瘞位于瘞牆之南北  
向設上佐以下門外位于東門之外道南北向西上掌  
事者入實樽壘祝以祝版置于牀又以幣置于篚設于

饌所

其幣長一丈八尺

贊禮者引上佐以下俱就門外位贊唱

者先入就位祝與執樽壘篚者入當神坐前北面重行  
北向西上立定贊唱者曰再拜祝以下皆再拜執樽壘  
篚者各就位祝進神坐前行埽除訖贊唱者曰再拜上  
佐以下皆再拜贊禮者進上佐之左白請行事退復位

贊唱者曰再拜上佐以下皆再拜初白請行事掌饌者帥執饌者奉饌陳于西門之外祝以幣授上佐上佐奉幣跪奠于神坐前訖興少退再拜訖復位掌饌者引饌入祝迎引于坐首各設于神坐前執饌者退復位祝還樽所贊禮者引上佐詣壘洗手洗爵訖詣酒樽所執樽者舉罍上佐酌酒贊禮者引上佐詣神坐前北向跪奠爵興少退北向立祝持版進于神坐之右東向跪讀祝文曰維某年歲次月朔日子刺史姓名謹遣具位姓



名敢昭告于某神爰以農要久闕時雨惟神哀此蒼生  
敷降靈液謹以制幣清酌脯醢明薦于某神尚饗祝興

上佐再拜祝進跪奠版于神坐興還樽所

若更有諸坐  
析官酌獻皆

如上儀唯不盥手  
其祝文與上同

贊禮者引上佐還本位祝進神坐前

跪徹豆興還樽所贊唱者曰再拜上佐以下皆再拜贊  
禮者進上佐之左白請就望瘞位上佐就望瘞位北向  
立祝以幣寘于坎東西各二人寘土半坎贊者進上佐  
之左白禮畢遂引上佐以下出訖祝與執樽壘籩者俱

復執事位贊唱者曰再拜祝以下皆再拜以出其祝版

燔于齋所

若析海瀆等幣沈之設奉幣位各向所祈之水沉之儀節一與瘞同若祈先代帝王其瘞

正得雨報祠

幣如正祭之禮

牢饌飲福受胙

若非岳鎮海瀆及先代帝王唯飲福

不受

瘞幣血皆同祭社之禮

其瘞瑤之位仍依祈禮若海瀆等沉幣又并沉血其

奉幣血位及沉之儀節皆準祈沉之禮若報祠先代帝王其幣仍與祈同

餘皆與祈禮同祝

文曰維某年歲次月朔日子刺史姓名謹遣具位姓名

敢昭告于某神往以久闕時雨式陳誠禱惟神鑒祐降

茲嘉液品物霑洽蒼生咸賴謹以制幣犧齊粢盛庶品

明薦于神尚饗

諸州崇城門

若霖雨不止崇祭城門設神坐皆內向設瓢齋之樽于神坐之左設罍洗及篚于酒樽之左俱內向設司功位于罍洗之左而右向執事者位于其後皆以近神為上贊禮者贊拜無幣不為瘞坎餘與祈諸神同祝文曰維某年歲次月朔日子刺史姓名謹遣具位姓名敢昭告于城門霖雨久淹害于百穀惟靈降福應時開霽謹以

清酌嘉獻明告于城門尚饗若雨止報祠用特牲飲福  
餘與縉同祝文曰維某年歲次月朔日子刺史姓名謹遣  
具位姓名敢昭告于城門前以霖雨式陳誠禱惟靈降  
社應時開霽謹以清酌牲齊粢盛庶品明薦于城門尚  
饗

大唐開元禮卷七十

欽定四庫全書

大唐開元禮卷七十一

唐 蕭嵩等 撰

吉禮

諸縣祭社稷

諸里祭社稷

諸縣祭社稷

前三日縣令散齋于別寢二日致齋于廳事一日亞獻  
以下與祭之官散齋二日各于正寢致齋一日皆于壇  
所丞為亞獻主簿及尉通為終獻若縣令以下有散齋  
故以次差攝縣官不足以州佐及比縣官充

理事如舊唯不弔喪問疾不作樂不判署刑殺文書不行刑罰不預穢惡致齋惟祭事得行其餘悉斷諸從祭

之官各清齋于公館一宿

從祭之官于縣令未出之前預赴于祭所

前二日本

司預修除壇之内外

其壇方二丈五尺高三尺四出陛三等

為瘞瘠二于

壇北方深取足容物南出陛設縣令次于社壇西門之外道北南向設祭官以下次于縣令次西北俱南向以東為上前一日晡後本司帥其屬守社壇四門去壇七十步所禁止行人本司設縣令位于北門之内道西南

向若縣令有故攝祭初獻位于亞獻之前東向設亞獻終獻位于稷壇西北

設掌事者位于西門之內道北俱每等異位東向南上  
設贊唱者位于終獻東北東向南上設從祭之官位于掌事之  
北俱重行東向以南為上設望瘞位于垣北南向東上設門外  
位祭官以下於西門之外道南縣官於祭官之南俱重行北向  
以東為上祭器之數每坐樽二簋八豆八簠二簋二俎三

羊豕及腊各一俎

掌事者以樽坌升自西陞各設于壇上西北隅配坐之  
樽在西俱南向東上皆加勺冪社稷皆爵一配坐皆爵



四各置于牀設洗于社稷北陛之西去壇三步所南向  
壘水在洗西加勺罍篚在洗東北肆實爵六巾二于篚  
加罍執樽壘洗篚者各于樽壘洗篚之後祭日未明烹

牲于厨

祝以豆二  
取牲血

夙興掌饌者實祭器

牲體羊豕皆載  
右胖前脚三節

臂膊臑節一段皆載之後脚三節一段去下一節載上  
肫脰二節又取正脊脰脊橫脊短脊正脊代脊各二  
骨以並餘皆不設簋實黍稷簋實稻粱邊實石鹽乾魚  
棗栗榛菱芡鹿脯豆實蠶菹醢醢菁俎鹿醢芹俎兔醢  
笋俎魚醢其土  
無者各以類充 本司帥掌事者以席入自西門詣壇西

陞升設社稷神坐各于壇上近南北向又設后土氏神

坐于社神之左后稷氏神坐于稷神之左俱東向席皆

以莞質明諸祭官及從祭之官各服其服

祭官服祭服從祭之官應

公服者公服非公服者常服

本司帥掌事者入實樽壘

每坐二尊一實玄酒為上

一賓醴齊次之

祝版各置于牀祝以幣各置于篚與血豆俱設

于樽所

社稷之幣皆用黑各長一丈八尺

贊唱者先入就位諸祝與執

樽壘者入自西門當社稷北重行南向以東為上立定

贊唱者曰再拜祝以下皆再拜執樽者各升自西陛立

于樽所執壘篚者各就位諸祝詣社壇升自西陛行埽

除訖降詣稷壇升行埽除如社壇之儀降行埽除于下  
訖出還齋所贊唱者次還齋所縣令將至贊禮者引祭  
官及從祭之官與掌事俱就門外位縣令至贊禮者引  
之次贊唱者先入就位縣令停于次少頃服祭服出次  
贊禮者引縣令入自西門就位南向立贊禮者立于縣  
令之東少退南向贊禮者引祭官以下及從祭之官以  
次入就位

凡導引者每曲一逡巡

立定贊唱者曰再拜縣令以下

皆再拜贊禮者少進縣令之左西面白請行事退復位

贊唱者曰再拜縣令以下皆再拜初贊禮白請行事本  
司帥執饌者奉饌陳于西門之外祝以幣授縣令贊者  
引縣令自北陞升社壇南向跪奠于社神前訖興少退  
再拜祝又以幣授縣令縣令升稷壇如社壇之儀訖贊  
者引縣令降復位本司引饌入社稷之饌升自北陞配  
坐之饌升自西陞諸祝迎引于壇上各設于神坐前  
蓋羣先徹乃升簋簠既奠却其蓋于下籩在左豆在右簋簠居其中羊豕二俎橫而重于右腊俎特于左  
本司與執饌者降自西陞復位諸祝各還樽所贊禮者引

縣令詣壘洗執壘者酌水執洗者跪取盤興承水縣令  
盥手執篚者跪取巾于篚興進縣令悅手訖執篚者受  
巾跪奠于篚遂取爵興進縣令受爵執壘者酌水縣令  
洗爵執篚者又跪取巾于篚興進縣令拭爵訖受巾奠  
于篚奉盤者跪奠盤興贊禮者引縣令自社壇北陞升  
詣社神酒樽所執樽者舉縣令酌醴齊贊禮者引縣  
令詣社神坐前南向跪奠爵興少退南向立祝持版進  
于神坐之右西面跪讀祝文曰維某年歲次月朔日子

具位姓名敢昭告于社神惟神德兼博厚道著直方載生

品物含養庶類謹因仲春

仲秋

祗率常禮敬以制幣犧齊

粢盛庶品備茲明薦用申報本以后土氏勾龍配神作

主尚饗祝興縣令再拜祝進跪奠版于神坐興還樽所

縣令再拜訖贊禮者引縣令詣配坐酒樽所縣令取爵

于玷執樽者舉冪縣令酌醴齊贊禮者引詣后土氏神

坐前西面跪奠爵興少退西向立祝持版進于神坐之

左南向跪讀祝文曰維某年歲次月朔日子具位姓名

敢昭告于后土氏爰茲仲春

仲秋

厥日惟戊敬修恒禮薦

于社神惟神功著水土平易九州昭配之儀實通祀典  
謹以犧齊粢盛庶品式陳明薦作主侑神尚饗祝興縣  
令再拜祝進跪奠版于神坐興還樽所縣令拜訖贊禮  
者引縣令進當社神坐前南向立祝各以爵酌福酒合  
置一爵一祝持爵進于縣令之右東向立縣令再拜受  
爵跪祭酒啐酒奠爵興祝帥執饌者以俎進跪臧社神  
前胙肉

各取前  
脚二骨

共置一俎上興祝持俎東向進縣令受

以授左右縣令跪取爵遂飲卒爵祝進受爵復于坵縣  
令興再拜贊禮者引縣令降自北陞詣罍洗盥手洗爵  
自稷壇北陞升詣稷神酒樽所執樽者舉罍縣令酌醴  
齊贊禮者引縣令詣稷神坐前南向跪奠爵興少退南  
向立祝持版進于神坐之右西向跪讀祝文曰維某年  
歲次月朔日子具位姓名敢昭告于稷神惟神播生百  
穀首茲八政用而不匱功濟氓黎敬以制幣犧齊粢盛  
庶品祇奉舊章備茲瘞禮以后稷氏配神作主尚饗祝



興縣令再拜祝進跪奠版于神坐興還樽所縣令拜訖  
贊禮者引縣令詣配坐酒樽所縣令取爵于拈執樽者  
舉罍縣令酌醴齊贊禮者引縣令詣后稷氏神坐前西  
向跪奠爵興少退西向立祝持版進于神坐之左南面  
跪讀祝文曰維某年歲次月朔日子具位姓名敢昭告  
于后稷氏爰以仲春秋仲敬修恒禮薦于稷神惟神功叶  
稼穡闡修農政允茲從祀敬率舊章謹以犧齊粢盛庶  
品式陳明薦作主配神尚饗祝興縣令再拜祝進跪奠

版于神坐興還樽所縣令拜訖贊禮者引縣令詣稷神  
坐前南向立飲福受胙如社壇之儀訖贊禮者引縣令  
降自北陛還本位初縣令獻將畢贊禮者引亞獻詣社  
壇西陛升詣社神酒樽所執樽者舉罍亞獻酌醴齊贊  
禮者引亞獻詣社神坐前南向跪奠爵興少退南向再  
拜贊禮者引亞獻詣后土氏酒樽所取爵于坫執樽者  
舉罍亞獻酌醴齊贊禮者引亞獻詣后土氏神坐前西  
向跪奠爵興少退西向再拜贊禮者引亞獻詣當社神

坐前南向立祝各以爵酌福酒合置一爵祝持爵進于  
亞獻之右東向立亞獻再拜受爵跪祭酒遂飲卒爵祝  
進受爵復于坫亞獻興再拜贊禮者引亞獻降自西陛  
詣罍洗盥手洗爵詣稷壇升獻飲福如社壇之儀訖降  
復位初亞獻將畢贊禮者引終獻詣罍洗盥洗并酌終  
獻如亞獻之儀訖降復位諸祝各進神坐前跪徹豆興  
還樽所徹者邊豆各一  
少移于故處贊唱者曰賜胙再拜非飲福受  
胙者皆再拜贊唱者又曰再拜縣令以下皆再拜贊禮

者少進縣令之左西面白請就望瘞位贊禮者引縣令就望瘞位南向立祝于神前取幣及血寘于炤贊禮者曰可瘞炤東西面各二人寘土半坎贊禮者少進縣令之左白禮畢遂引縣令出還次贊禮者引祭官以下以次出諸祝及執樽罍籩者降復位贊唱者曰再拜祝以下皆再拜以次出其祝版燔于齋所

諸里祭社稷

前一日社正及諸社人與祭者各清齋一宿于家之正

寢正寢者謂家之前堂待賓之所

應設饌之家預修理神樹之下又為

瘞瘠于神樹之北方深取足容物掌事者設社正位于

稷坐西北十步所東面諸社人位于其後東面南上設

祝奉血豆位于瘞瘠之北南向祭器之數酒樽二並勺

一以巾覆之俎一邊二豆二爵二簋二簋二

無禮器量以餘

器充之

祭日未明烹牲于厨

惟以特豕祝以豆取牲血置于饌所

夙興掌饌

者實祭器

牲體載右腓前脚三節節一段肩臂膂皆載之後脚三節節一段去下節載上肱脇二節

又取正脊橫脊短脅正脅代脅各二骨以並分載之二  
俎餘皆不設其樽一實玄酒為上一實清酒次之邊實

粟粟豆實菹醢簋  
寶黍稷簋實稻粱

掌事者以席入社神之席設于神樹下稷

神之席設于神樹西俱北向質明社正以下各常服掌

事者以盥水器入設于神樹北十步所加勺一巾二爵

于其下盛以箱又以酒樽入設于神樹北近西社神之

樽在東稷神之樽在西俱東上南向

置爵二及祝  
版于尊下

執樽

者立于樽後掌事者實樽酒訖祝及執樽者

其祝以社  
人有學識

者充入當社神北南向以東為上皆再拜訖執酒樽者各

就樽後立其執盥者就器後立贊禮者引社正以下俱

就位立定贊禮者贊再拜社正以下皆再拜祝詣樽所

贊禮者贊再拜社正以下皆再拜掌事者以饌入各設

于神坐前

菹醢居前左右廂黍稷在其間俎居其外

訖掌事者出贊禮者引

社正詣盥器所執盥器者酌水社正洗手取巾拭手訖

洗爵訖贊禮者引社正詣社神酒樽所酌酒訖贊禮者

引社正詣社神坐前跪奠爵于饌右興少退南向立祝

持版進社神坐東西向跪讀祝文曰維某年歲次月朔

日子某坊

村即云某村以下准此

社正姓名合社若干人敢昭告

于社神惟神載育黎元長茲庶物爰以仲春

仲秋

日惟吉

戊謹率恒禮敬以特牲清酌粢盛庶品祗薦于社神尚  
饗祝興社正以下及社人等俱再拜贊禮者引社正詣  
稷神酒樽所取爵酌酒訖贊禮者引社正詣稷神饌前  
南向跪奠酒于饌右興少退南向立祝持版進于稷神  
饌西東向跪讀祝文曰維某年歲次月朔日子某坊社  
正姓名合社若干人等敢昭告于稷神惟神主茲百穀  
粒此羣黎今當仲春吉戊

仲秋云

謹率恒禮敬以特牲清



酌菜盛庶品祇薦于稷神尚饗祝興社正以下及社人俱再拜贊禮者引社正立于社神坐前南向祝以爵酌社神及稷神福酒合置一爵進社正之右社正再拜受酒訖跪祭酒遂飲卒爵祝受爵還樽所社正興再拜贊禮者引社正還本位立定贊禮者贊再拜社正及社人俱再拜訖祝以血寘于盄盄東西各一人寘土半坎贊禮者少前白禮畢引社人等出祝與執樽者復社神位再拜訖出其餘饌社人等俱于此餞如常會之儀其祝

版燔于祭所

大唐開元禮卷七十一

欽定四庫全書

大唐開元禮卷七十二

唐 蕭嵩等 撰

吉禮

諸縣釋奠於孔宣父 縣學生束修

諸縣釋奠於孔宣父

前享三日縣令散齋于別寢二日致齋于廳事一日亞獻以下與祭之官散齋二日各于正寢致齋一日于享

所

丞為亞獻主簿及尉通為終獻若縣令以下有故並以次差攝縣官不足以州官判佐以下及比縣官充

散齋理事如舊惟不弔喪問疾不作樂不判署刑殺文書不行刑罰不預穢惡致齋惟享事得行其餘悉斷其享官已齋而闕者通攝行事學官及諸學生皆清齋于學館一宿前享二日本司婦除內外又為瘞瘠于院內堂之壬地方深取足容物南出陞本司設縣令以下次于門外隨地之宜前享一日晡後本司帥其屬守門本司設三獻位于東階東南每等異位俱西向設掌事者位于三獻東南西向北上設望瘞位于堂之東北當瘞埒西南設

學官位于西階西南當掌事位學生位于學官之後俱  
東向北上設贊禮者位于三獻西南西向北上又設贊  
唱者位于庑堦東北南向東上設三獻門外位于道東  
每等異位俱西向掌事位于終獻之後北上祭器之數  
每坐樽二籩八豆八簋二簠二俎三

羊豕及腊  
各一俎

掌事者

以樽拊升設于堂上前楹間北向先聖之樽在西先師  
之樽在東俱西上皆加勺罍先聖爵一配坐爵四各置  
于拊設幣篚于樽所設洗置東榮南北以堂深罍水在

洗東加勺冪篚在洗西南肆實爵三巾二于篚加冪執樽罍洗篚者各于樽罍洗篚之後享日未明烹牲于厨

祝以豆二取毛血

夙興掌饌者實祭器

牲體羊豕皆載右胖前脚有臂膊節一段皆載

之後脚三節節一段去下一節載上肱脰二節又取正脊肱脊橫脊短脊正脊代脊各二骨以並餘皆不設簋實黍稷簋實稻粱籩實石鹽乾魚棗栗榛菱芡鹿脯豆實蘊菹醢醢菁菹鹿醢芹菹兔醢笋菹魚醢若土無者

各以其類充之

本司帥掌事者設先聖神席于西楹間東向設

先師神席于先聖神坐東北南向席皆以莞質明諸享

官各服祭服學官儒服學生青衿服本司帥掌事者入

實樽罍及幣

每坐尊二一實玄酒為上一實醴齊  
次之禮神之幣用白各長一大八尺祝版

各置于牀贊唱者先入就位祝二人與執樽罍籩者入立  
于庭以西為上立定贊唱者贊再拜祝以下皆再拜執  
樽罍籩者各就位祝升自東階行埽除訖降自東陛以  
出還齋所縣令將至贊禮者引享官以下俱就門外位  
學官學生並入就門內位縣令至贊禮者引之次贊唱  
者先入就位祝升自東階各立于樽後縣令停于次少  
頃服祭服出次贊禮者引縣令入就位西向立贊禮退



立于左贊唱者引享官以下次入就位

凡引導者每曲一逡巡

立

定贊唱者曰再拜縣令以下皆再拜贊禮者少進縣令

之左白請行事退復位祝俱跪取幣于篚興各立于樽

所凡取物者皆跪俛伏而取以興奠物則奠訖俛伏而後興

本司帥執饌者奉饌陳

于門外贊禮者引縣令升自東階進先聖神坐前西向

立祝以幣北向授縣令受幣贊禮者引縣令西向跪奠

于先聖神坐興少退西向再拜訖贊禮者引縣令當先

師神坐前北向立祝又以幣西向授縣令受幣贊禮者

引縣令北向跪奠于先師神坐興少退北向再拜贊禮

者引縣令降復位本司引饌入升自東階祝迎引于階上

各設于神坐前

邊豆蓋畢先徹乃升簋簠既奠却其蓋于下邊右豆左簋簠居其間羊豕二俎

橫而重于右

設訖本司與執饌者降出祝還樽所贊禮

者引縣令詣壘洗執壘者酌水執洗者跪取盤興承水  
縣令盥手執篚者跪取巾于篚興進縣令悅手訖執篚  
者受巾跪奠于篚遂取爵興以進縣令受爵執壘者酌  
水縣令洗爵執篚者跪取巾于篚興進縣令拭爵訖受

巾跪奠于篚奉盤者跪奠盤興贊禮者引縣令升自東  
階詣先聖酒樽所執樽者舉罍縣令酌醴齊贊禮者引  
縣令詣先聖神坐前西向跪奠爵興少退西向立祝持  
版進于神坐之右北面跪讀祝文曰維某年歲次月朔  
日子縣令具官姓名敢昭告于先聖孔宣父惟夫子固  
天攸縱誕降生知經緯禮樂闡揚文教餘烈遺風千載  
是仰俾茲末學依仁游藝謹以制幣犧齊粢盛庶品祇  
奉舊章式陳明薦以先師顏子配尚饗祝興縣令再拜

祝進跪奠版于神坐還樽所縣令拜訖贊禮者引縣令  
詣先師酒樽所取爵于拈執樽者舉幕縣令酌醴齊贊  
禮者引縣令詣先師神坐前北面跪奠爵興少退北向  
立祝持版進于神坐之右西向跪讀祝文曰維某年歲  
次月朔日子縣令具官姓名敢昭告于先師顏子爰以  
仲春仲秋率遵故實敬修釋典于先聖孔宣父惟夫子庶  
幾具體德冠四科服道聖門實臻壺奧謹以制幣犧齊  
菜盛庶品式陳明獻從祀配神尚饗祝興縣令再拜祝進

跪奠版于神坐興還樽所縣令拜訖贊禮者引縣令詣  
東序西向立祝各以爵酌福酒合置一爵一祝持爵進  
縣令之左北向立縣令再拜受爵跪奠酒啐酒奠爵俛  
伏興祝各帥執饌者進俎跪減先聖神前胙肉

各取前  
脚第二

骨

共置一俎上又以籩取稷黍飯共置一籩祝先以飯

進縣令受以授執饌者又以俎進縣令受以授執饌者  
縣令跪取爵遂飲卒爵祝進受爵復于牀縣令興再拜  
贊禮者引縣令降復位初縣令獻將畢贊禮者引亞獻

詣罍洗盥手洗爵升獻飲福如縣令之儀

惟不讀祝版不受胙

訖

降復位初亞獻將畢贊禮者引終獻詣罍洗盥手洗爵

升獻飲福如亞獻之儀訖降復位祝各進神坐前跪徹

豆還尊所

徹者籩豆各一少移于故處

贊唱者曰賜胙再拜非飲福

受胙者皆再拜贊唱者又曰再拜縣令以下皆再拜贊

禮者少進白請就望瘞位贊禮者引縣令就望瘞位西

向立贊唱者轉就瘞塹東北位初在位者將拜祝各以

篚進神坐前跪取幣降自西階詣瘞塹以幣置于塹訖

贊唱者曰可瘞塙東西廂各二人寘土半塙

瘞訖寘土者以篚出

贊禮者進縣令之左北面白禮畢遂引縣令出贊禮者各引享官以次出初白禮畢贊唱者還本位祝與執樽壘洗篚者俱復掌事位立定贊唱者曰再拜祝以下俱再拜以出其祝版燔于齋所

縣學生行束修禮

束帛一篚

一疋

酒一壺

二斗

脯一案

五脰

其日平明學生青衿服至學門博士公服若儒服立于

學堂東階上西面贊禮者引學生立于門東西面

不自同于

賓客

陳東帛篚酒壺脯案于學生西南當門北向重行西

上將命者出立于門西東面曰敢請事學生少進曰某方受業于先生敢請見將命者入告博士曰某也不德請子無辱將命者出告學生曰某不敢為儀敢固以請將命者入告博士曰請子就位某敢見將命者出告學生曰某不敢以視賓客請終賜見將命者入告博士曰某辭不得命敢不從將命者出告執篚者以篚東面授



學生博士降俟于東階下西面贊禮者引學生執酒脯者從之學生入門而左立于西階之南東面執脯者立于學生西南東面北上學生跪奠篚再拜博士荅拜學生還辟遂跪取篚贊禮者引學生進博士前東面授幣贊禮者取酒脯幣以東執酒脯者出贊禮者引學生立于階間近南北面再拜訖引出

大唐開元禮卷七十二